

МАМБЕТЖАНОВ Қаҳрамон

Қурбандурдиевич,

Тошкент давлат иқтисодиёт университети
докторанти, иқтисод фанлари номзоди

ЯЛПИ ИЧКИ МАҲСУЛОТНИ ХАРАЖАТЛАР БЎЙИЧА ҲИСОБЛАШ УСУЛИНИ ТАКОМИЛЛАШТИРИШ ЙЎЛЛАРИ

УДК 330.55.051

МАМБЕТЖАНОВ Қ.Қ. ЯЛПИ ИЧКИ МАҲСУЛОТНИ ХАРАЖАТЛАР БЎЙИЧА ҲИСОБЛАШ УСУЛИНИ ТАКОМИЛЛАШТИРИШ ЙЎЛЛАРИ

Мақолада ялпи ички маҳсулот (ЯИМ)ни харажатлар усули бўйича ҳисоблашнинг мазмун-моҳияти, ўзига хос ҳусусиятлари, уни Ўзбекистон статистика тизимида қўллашдаги асосий муаммолар ва уларни бартараф қилиш йўллари ҳамда ушбу ҳисоблаш усулини такомиллаштириш юзасидан илмий таклиф ва амалий тавсиялар берилган.

Таянч иборалар: ЯИМ, пировард истеъмол, ялпи жамғарма, соф экспорт, уй хўжалиги, давлат сектори, нотижорат ташкилотлар.

МАМБЕТЖАНОВ К.К. ПУТИ СОВЕРШЕНСТВОВАНИЯ ВЫЧИСЛЕНИЯ ВАЛОВОГО ВНУТРЕННЕГО ПРОДУКТА ПО МЕТОДОМ РАСХОДОВ

В статье приведены сущность вычисления ВВП методом расходов и его особенности, основные проблемы его применения в системе статистики Узбекистана и пути устранения этих проблем, а также даны научные предложения и практические рекомендации по совершенствования данного метода вычисления.

Ключевые слова: ВВП, конечное потребление, валовые сбережения, чистый экспорт, домашнее хозяйство, государственный сектор, негосударственные организации.

MAMBETJANOV Q.Q. THE WAYS OF IMPROVING THE CALCULATION OF GROSS DOMESTIC PRODUCT BY THE METHOD OF EXPENDITURE

This article describes the essence of calculation of GDP by expenditure approach and its features, main problems of its application in statistical system of Uzbekistan and ways to eliminate these problems and offer scientific and practical recommendations on improvement of this method of calculation.

Key words: GDP, final consumption, gross savings, net exports, household, public sector, non-governmental organizations.

ЯИМни харажатлар усули бўйича ҳисоблагандаги таркиби тўғрисидаги маълумотлар пировард истеъмол талабини қондириш ва мамлакат миллий бойлигининг ўсиши учун истеъмол қилинган товар ва хизматлар қийматининг улушини аниқлаш, ЯИМнинг пировард истеъмол йўналишлари бўйича мутаносибликларни таҳлил қилиш имконини беради.

ЯИМни харажатлар усули бўйича ҳисоблагандаги таркиби тўғрисидаги маълумотлар пировард истеъмол талабини қондириш ва мамлакат миллий бойлигининг ўсиши учун истеъмол қилинган товар ва хизматлар қийматининг улушини аниқлаш, ЯИМнинг пировард истеъмол йўналишлари бўйича мутаносибликларни таҳлил қилиш имконини беради.

$$\text{ЯИМ} = \Sigma \text{ПИ} + \text{ЯЖ} + \text{ЭИК} \quad (1)^1$$

Бу ерда: ПИ – пировард истеъмол; ЯЖ – ялпи жамғарма; ЭИК – товар ва хизматларнинг экспорт-импорти қолдиғи ҳам ҳисобга олинади, яъни:

Иқтисодиётнинг барча субъектлари пировард истеъмол учун харажатлари ялпи жамғарма ва соғ экспортнинг турли хил унсурлардан ташкил топади. Ушбу унсурларни 1-жадвалда кўришимиз мумкин.

1-жадвалдан кўринадики, пировард истеъмол харажатларининг таркиби иккита қисмга, яъни шахсий ва жамоа истеъмоли харажатларига бўлинади.

Уй хўжаликларининг пировард истеъмол учун харажатлари уларнинг ўз истеъмоли учун бозорда турли хил товар ва хизматлар сотиб олишга, турар жой учун ҳар хил тўловларга қилинган харажатларни ўз ичига олади.

Уй хўжаликларининг пировард истеъмолини учта гурухга ажратиш мумкин:

¹ Ушбу формула Ўзбекистон Республикаси давлат статистика қўмитаси томонидан ишлаб чиқилган «ЯИМни пировард истеъмол усули бўйича ҳисоблаш методикаси» асосида муаллиф томонидан қайта ишланди.

1. Узоқ муддатгача истеъмол қилинадиган буюмлар (автомобиль, мебель, маданий-маший товарлар ва ҳоказолар).

2. Қисқа муддатли истеъмол қилинадиган буюмлар (озиқ-овқат, кийим-кечак, кундалик ҳётдаги хўжалик буюмлари ва ҳоказолар).

3. Ҳар хил хизматлар (транспорт, алоқа, тиббий хизмат ва ҳоказолар).

Мамлакатда уй хўжаликларининг пировард истеъмол харажатлари даражасидан келиб чиқсан ҳолда ўша мамлакатнинг ривожланганлик даражасига ҳам баҳо бериш мумкин. Айниқса, пировард истеъмол харажатлари таркибидаги нисбатдан аҳолининг турмуш фаровонлигини билиш мушкул эмас (2-жадвал).

2-жадвал маълумотларидан кўриниб турибдики, пировард истеъмол харажатларидаги асосий улуш уй хўжаликлари ҳиссасига тўғри келади ва уларнинг салмоғи 1991-2016 йилларда 44 фоиздан 63 фоизгачани ташкил этди.

Кузатилаётган даврда ЯИМ таркибida давлат муассасаларининг пировард истеъмолга қилган харажатлари улуси сезиларли даражада ўзгариб турди ва 1991 йилдаги 20,7 фоиздан 2016 йилда 16,1 фоизга камайиш тенденциясига эга бўлди.

Нотижорат ташкилотлари томонидан уй хўжаликларига кўрсатилган нобозор хизматларининг ЯИМдаги улуси ўртача 1,1 фоизни ташкил этади.

Ялпи жамғарилиш асосий фондлар ва моддий айланма воситалари ўсишини ифодалайди. 1991-2016 йилларда ялпи жамғарилишнинг улуси барқарор ривожланиш тенденциясига эга бўлиб, ЯИМнинг ўртача 25

² Муаллиф ишланмаси.

1 - жадвал. Пировард истеъмол харажатлари, ялпи жамғарма ва соф экспортнинг асосий унсурлари¹

I. Пировард истеъмол харажатлари	
1.	Уй хўжаликларининг шахсий истеъмол учун харажатлари
2.	Уй хўжаликларига хизмат кўрсатувчи нотижорат ташкилотларининг аҳолининг шахсий истеъмолини қондириш учун қиласиган харажатлари
3.	Давлат муассасаларининг аҳолининг шахсий истеъмолини қондириш учун қиласиган харажатлари
4.	Давлат муассасаларининг аҳолининг жамоавий истеъмолини қондириш учун қиласиган харажатлари
II. Ялпи жамғарма	
1.	Асосий капитал ялпи жамғармаси
2.	Моддий айланма маблағлар захираларининг ўзгариши
a)	Захиралар (йил бошига) (плюс)
b)	Захиралар (йил охирига) (минус)
3.	Соф ҳарид қилинган қимматбаҳо буюмлар
a)	Ҳарид қилинган қимматбаҳо буюмлар (плюс)
b)	Сотилган қимматбаҳо буюмлар (минус)
III. Товар ва хизматларнинг соф экспорти	
1.	Товар ва хизматларнинг экспорти (плюс)
2.	Товар ва хизматларнинг импорти (минус)

ЯЛПИ ИЧКИ МАҲСУЛОТ

фоизини ташкил қилди. Ялпи жамғарилишнинг асосий улушкини асосий капиталнинг ялпи жамғарилиши ташкил қилиб, иқтисодиётда инвестицион фаолликни ифодалайди. Мазкур кўрсаткичнинг улushi 1991 йилдаги 25,1 фоиздан 2016 йилда 27,8 фоизгacha ўсди.

Кузатилаётган давр мобайнида товарлар ва хизматлар соф экспортининг ЯИМдаги улushi ўртача 2 фоизни ташкил қилди (экспорт 30,5%, импорт 28,5%)¹.

Уй хўжаликларининг харажатларини белгилашда уларнинг пировард истеъмолига кирмайдиган харажатларни ҳам кўрсатиб ўтиш керак. Бу харажатларга қуйидагилар киради:

1. Аҳолининг хизмат сафари харажатлари билан боғлиқ бўлган товар ва хизматларни қўлга киритиши.

2. Уй хўжалиги фондини таъмирлаш учун керак бўлган материалларни қўлга киритган шахсий квартира ва уй жой эгаларининг жорий ремонт учун қиласиган харажатлари.

3. Аҳолига ишлаб чиқариш характеристига эга бўлган иш ва хизматлар учун тўловлар, буларга, ветеринария хизматлари, хўжалик қурилишларини суғурта қилиш хизматлари ва бошқалар киради.

3. Лотерея ютуқлари.

4. Паспорт олиш учун тўловлар.

5. Туғилганлик ҳақида гувоҳнома, никоҳ, жарима, ҳайдовчилик гувоҳномаси, овчилик лицензиялари ва бошқаларни олиш учун тўловлар.

Хозирги кунда аҳолининг истеъмол ҳажмига улар қўлга киритган узоқ муддат истеъмол қилинадиган барча буюмларнинг қиймати киритилган.

Фикримизча, истеъмол ҳажмига узоқ муддат истеъмол қилинадиган буюмлар қийматининг барчасини эмас, балки уларнинг маълум, яъни шу йилда истеъмол қилинадиган қисмини киритиш мақсадга мувофиқ бўларди. Истеъмол ҳажмини белгилашнинг бундай усули шахсий уй-жой эскиришини белгилашда татбиқ қилинади. Истеъмол характеристи нуқтаи-назаридан қараганда, уй-жойнинг истеъмол қилиниши узоқ муддат истеъмол қилинадиган товарларнинг истеъмол қили-

¹ <http://stat.uz/press-sluzhba/novosti-gks/1451-makroiqtisodiy-ko-rsatkichlari-tahlili>

2-жадвал. ЯИМнинг пировард истеъмол йўналишлари бўйича таркиби¹

	1991й.	1995й.	2000й.	2005й.	2010й.	2016й.
ЯИМ, жами	100,0	100,0	100,0	100,0	100,0	100,0
Пировард истеъмол харажатлари	77,0	72,9	80,6	64,3	64,8	74,4
уй хўжаликлари	54,9	50,1	60,9	47,4	47,9	57,5
давлат бошқаруви органлари	20,7	22,3	18,7	15,9	15,8	16,1
УХХКНТ	1,4	0,5	1,0	1,0	1,1	0,8
Ялпи жамғарилиш	26,8	24,2	19,6	28,0	26,6	24,9
асосий капиталнинг ялпи жамғарилиши	25,1	33,0	24,0	22,0	27,3	27,8
моддий айланма воситалари захирасининг ўзгариши	1,7	-8,8	-4,4	6,0	-0,7	-2,9
Товар ва хизматлар экспорт-импорти сальдоси	-3,8	2,9	-0,2	7,7	8,6	0,7
Экспорт	35,3	31,6	26,5	37,9	33,1	18,8
Импорт	39,1	28,7	26,7	30,2	24,5	18,1

нишидан фарқ қилмайди. Шунинг учун ҳам бу усулни қўллаш асослидир. Истеъмол таркибида узоқ муддат фойдаланиладиган товарларнинг фақат йиллик амортизациясини ҳисобга оладиган бўлсак, аҳолининг якуний истеъмол ҳажми камаяди ва жамғарма қисми ошади.

Уй хўжаликларига хизмат кўрсатувчи нотижорат ташкилотларнинг аҳолининг шахсий истеъмоли учун қиладиган харажатлари турли хилдаги нобозор хизматларнинг қийматини ўз ичига олади. Бу хизматларни кўрсатувчи ташкилотларга касаба уюшмалари, ҳар хил фондлар, ихтиёрий жамиятлар, сиёсий партиялар ва бошқалар киради.

Уй хўжаликларига хизмат кўрсатувчи нотижорат ташкилотларнинг пировард истеъмолга қилган харажатлари уй хўжаликларига бепул тақдим этилган истеъмол товарлари ва хизматларига қилинган харажатлардан иборат. Шунингдек, бу харажатларга ўз ишчиларига бепул хизматлар кўрсатиш учун корхона ва ташкилотлар томонидан молиялаштириладиган таълим, соғлиқни сақлаш, маданият муассасалари харажатлари ҳам киради.

Ушбу кўрсаткични ҳисоблашда ЯИМнинг ишлаб чиқариш усулидаги ҳисобларидан

олинган ижтимоий-маданий соҳа обьектларини сақлаб туришга қилинган харажатлар ҳажми бўйича маълумотлардан фойдаланилади. Уй хўжаликларига нодавлат-нотижорат ташкилотлари томонидан тақдим этиладиган товарлар ва хизматлар ҳажми нотижорат ташкилотларининг давлат статистика ҳисоботлари асосида аниқланади.

Давлат муассасаларининг пировард истеъмол учун қиладиган харажатлари аҳолининг ҳам шахсий, ҳам жамоа истеъмолини қондириш мақсадида амалга оширилади.

Давлат бошқаруви органларининг пировард истеъмол харажатлари қўйидагиларни ўз ичига олади:

а) нобозор хизматлар ишлаб чиқариш давлат корхоналарининг умумий ишлаб чиқариш ҳажми ва истеъмолчилар томонидан давлат муассасалари хизматлари қийматини қисман қоплашдан тушган тушумлар орасидаги фарқ сифатида аниқланади;

б) уй хўжаликларига бепул ёки иқтисодий аҳамиятга эга бўлмаган нархларда бериш учун бозор ишлаб чиқарувчиларидан сотиб олинган истеъмол товарлари ва хизматлари қиймати;

в) уй хўжаликларининг товар ва хизматларни сотиб олишга қилган харажатларини қоплаб бериш.

¹ <http://stat.uz/press-sluzhba/novosti-gks/1451-makroiqtisodiy-ko-rsatkichlari-tahlili>

З-жадвал. Пировард истеъмол харажатларининг «Ҳақиқий пировард истеъмол»га айланиши

Секторлар	Пировард истеъмол харажатлари	Ҳақиқий пировард истеъмол
Уй хўжаликлари	Уй хўжаликларининг шахсий истеъмол харажатлари	Ҳақиқий шахсий истеъмол = Уй хўжаликларининг шахсий истеъмол харажатлари + уй хўжаликларига хизмат кўрсатувчи нотижорат ташкилотларининг аҳолининг шахсий истеъмолини қондириш учун қиладиган харажатлари + давлат бошқарув органларининг аҳолининг шахсий истеъмолини қондириш учун қиладиган харажатлари.
Уй хўжаликларига хизмат кўрсатувчи нотижорат ташкилотлари	Уй хўжаликларига хизмат кўрсатувчи нотижорат ташкилотларининг аҳолининг шахсий истеъмолини қондириш учун қиладиган харажатлари	Мавжуд эмас
Давлат бошқарув органлари	Давлат бошқарув органларининг аҳолининг шахсий истеъмолини қондириш учун қиладиган харажатлари. Давлат бошқарув органларининг аҳолининг жамоа истеъмолини қондириш учун қиладиган харажатлари	Ҳақиқий жамоа истеъмоли = Давлат бошқарув органларининг аҳолининг жамоа истеъмолини қондириш учун қиладиган харажатлари

Давлат бошқаруви органларининг пировард истеъмолга қилган харажатлари икки асосий грухга бўлинади:

- якка тартибдаги товарлар ва хизматларга кетган харажатлар;
- жамоа хизматларига кетган харажатлар.

Якка тартибдаги товарлар ва хизматларга қилинган харажатлар якка тартибдаги истеъмол учун мўлжалланган ва давлат бюджети, бюджетдан ташқари фондлар томонидан молиялаштириладиган давлат муассасаларининг истеъмол товарлари ва хизматларига (соғлиқни сақлаш, таълим, ижтимоий таъминот, маданият ва спорт муассасалари томонидан кўрсатиладиган нобозор хизматлар) қилган харажатларидан ташкил топади.

Жамоа эҳтиёжларни қондирувчи давлат муассасаларининг якуний истеъмолга қилган харажатлари корхона ва ташкилотлар томонидан кўрсатилувчи, давлат бюджети ҳисобидан молиялаштирилувчи хизматларни ўз ичига олади. Бу хизматлар фақат алоҳида

уй хўжаликларининг эҳтиёжларини эмас, балки бутун жамият ёки аҳолининг айрим грухлари эҳтиёжларини ҳам қондиради (мудофаа, умумий давлат бошқаруви, шоссе хўжалиги, шунингдек, илм-фан, аҳоли пунктларини ободонлаштиришга қилинган харажатлар ва бошқалар).

Давлат бошқаруви органларининг харажатларини баҳолаш Ўзбекистон Республикаси Молия вазирлигининг давлат бюджетининг ижроси ҳақидаги ҳисобот маълумотлари асосида амалга оширилади.

Давлат муассасалари ва уй хўжаликларига хизмат кўрсатувчи нотижорат ташкилотларининг пировард истемол учун харажатлари қўйидаги формула бўйича ҳисобланади:

$$\text{ПИ}_{\text{д.ит}} = \text{ЖХ} + \text{П-Т+К} \quad (2)^1$$

Бу ерда: $\text{ПИ}_{\text{д.ит}}$ - давлат муассасалари ва уй хўжаликларига хизмат кўрсатувчи нотижорат

¹ Абдуллаев Ё. Макроиктисодий статистика: 100 савол ва жавоб. – Т.: «Мехнат», 1998. -146-6.

ташкилотларининг пировард истемол учун харажатлари; ЖХ – бино иншоотлар учун жорий харажатлар ва асосий капитал истеъмоли; П – айрим турдаги товар ёки хизматларни сотишдан тушган пул маблағлари; Т – уй хўжаликларига бепул ёки имтиёзли нархларда тақдим қилиш мақсадида бозор нархларида ҳарид қилинган истеъмол товарлари ва хизматлари қиймати; Қ – давлат ижтимоий суғурта фонди ҳисобидан уй хўжаликларининг айрим турдаги товар ва хизматларни ҳарид қилишлари учун қилинадиган харажатларни қоплаш қиймати (масалан, ногиронларга бепул ёки арzon нархларда бериладиган автомобиль, бензин ва ҳ.к.).

Миллий ҳисоблар тизими (МҲТ)нинг халқаро андозаларида яратилган товар ва хизматларни ҳақиқатда ким истеъмол қилиши ҳамда булар учун тўловни иқтисодиётнинг қайси сектори амалга оширишини аниқлаш мақсадида «Ҳақиқий пировард истеъмол» тушунчаси киритилган.

Уй хўжаликларининг «Ҳақиқий пировард истеъмол» ҳажми ушбу сектор ва уларга хизмат кўрсатувчи нотижорат ташкилотлари ҳамда давлат муассасалари томонидан аҳолининг шахсий истеъмолини қондириш мақсадида қилган барча харажатларини умумластириш орқали аниқланади. МҲТда уй хўжаликларида хизмат кўрсатувчи нотижорат ташкилотларининг «Ҳақиқий пировард истеъмол» ҳажми ҳисоб-китоб қилинмайди, чунки улар томонидан қилинган барча харажатлар аҳолининг жамоа истеъмолини эмас, балки шахсий истеъмолни қондиришга хизмат қиласди. Давлат бошқарув органларининг пировард истеъмол учун харажатлари эса аҳолининг ҳам шахсий, ҳам жамоа истеъмолини қондиради. Шу сабабли давлат бошқарув органларининг «Ҳақиқий пировард истеъмол» ҳажми аҳолининг жамоа истеъмолини қондиришга кетган харажатлар миқдорига teng бўлади. Пировард истеъмол харажатларининг «Ҳақиқий пировард истеъмол»га айланиш жараёнини 3-жадвалда кўришимиз мумкин.

З-жадвалдан шундай хulosага келиш мумкинки, ЯИМни харажатлар усули бўйича ҳисоблаганда нафақат муайян бир секторнинг пировард истеъмол учун қилган харажатларига, балки бошқа секторларнинг ҳақиқий истеъмол ҳажмига ҳам алоҳида эътибор қаратиш зарур.

ЯИМни харажатларга асосланиб ҳисоблаётганда унинг таркибига унумсиз харажатлар қўшилмайди. Бундай харажатларга қуйидагилар киради:

1. Давлатнинг трансферт тўловлари (қариялар ва ногиронларга тўловлар, талабалар стипендиялари, қайтарилмаслик шарти билан берилган қарзлар ва шу кабилар).

2. Хусусий трансферт тўловлари (масалан, талабаларнинг ҳар ойда ўз уйларидан оладиган пуллари, бадавлат оилаларнинг турли хайриялари ва бошқалар).

3. Қимматли қоғозлар олди-сотдиси жараёнидаги харажатлар. Бу харажатлар гарчи ишлаб чиқаришга ўз таъсирини билвосита кўрсатса-да, маҳсулот қийматига қиймат қўшмайди.


4. Ишлатилган буюмлар.

ЯИМни харажатлар усули бўйича ҳисоблаганда иқтисодиётнинг барча соҳа ва тармоқларида ҳосил бўлган ялпи жамғарма кўрсаткичи ҳам ҳисобга олинади. Ялпи жамғарма асосий фондлар ялпи жамғармаси, моддий айланма воситалар захираларининг ўзгариши ва соғ ҳарид қилинган қимматбаҳо буюмлар қийматидан иборат.

Асосий фондлар ялпи жамғармаси ўз ичига барча турдаги бино-иншоот, асбоб-ускуна, техника-технологиялар, турар жой, мол-мулк ва ҳоказоларни олади. Булардан ташқари, ҳозирги кунда дастурий таъминотларни ҳарид қилиш, фойдали қазилма бойликларни қидириш ва шу каби соҳалар учун қилинадиган харажатлар ҳам асосий фондлар ялпи жамғармаси таркибига киритилган.

Инвестицияларнинг энг асосий манбаларидан бири ялпи жамғарма ҳисобланади. Шуни таъкидлаш лозимки, амалда жамғарма эгаси ва инвестор бир шахсда намоён бўлиши

1-расм. 2001-2016 йилларда асосий капиталнинг ялпи жамғарилиши ва пировард истеъмол харажатларининг ўзгариш динамикаси (2000 йил – 100%)¹



ва бўлмаслиги ҳам мумкин. Одатда, ялпи жамғарма жамиятдаги кўпчилик субъектлар томонидан амалга оширилиб, улардан инвестиция сифатида фойдаланиш эса бутунлай бошқа субъектлар томонидан амалга оширилиши мумкин.

Мамлакатимиз иқтисодий тараққиётининг охирги ўн йиллигига пировард истеъмол ва ялпи жамғарма даражасида сезиларли ўзгаришлар рўй берди. Пировард истеъмол мамлакат иқтисодиёт субъектларининг ялпи талабини билдиrsa, ялпи жамғарма эса инвестицион салоҳиятни белгилаб беради.

Ўзбекистон иқтисодиётида пировард истеъмол харажатлари ва ялпи жамғарма даражасидаги жадал ўсиш суръатлари айниқса, 2008 йилдан кейинги даврларга тўғри келади (1-расм).

2001-2016 йиллар мобайнида пировард истеъмол харажатларининг ўртача йиллик ўсиши 9,6% ни ташкил қилди ва кузатилаёт-

ган давр мобайнида 4,3 баравардан кўпроқقا ошди. Бу асосан уй хўжаликлари харажатларининг ошиши ҳисобига таъминланди. Шунингдек, давлат бошқарув органларининг якка тартибдаги ва жамоа хизматлари учун реал харажатлари сезиларли даражада, яъни 2,3 марта ошди. Кузатилаётган давр мобайнида жамоат ташкилотлари (диний, хайрия ва ҳ.к.) фаолиятининг фаоллашиши ва кенгайиши уй хўжаликларига хизмат кўрсатувчи нотижорат ташкилотлари реал харажатларининг 2,3 марта ўсишига имкон берди.

Мамлакатда инвестицион фаолият ривожланишининг ижобий кўрсаткичлари асосий капитал ялпи жамғарилишида маҳаллий ва хориҷий инвестицияларни жалб қилиш ҳамда ўзлаштириш ҳисобига ўсиб бораётганлигидан далолат беради. Сўнгги йилларда (2001-2016 йиллар) асосий капиталнинг жамғарилиш меъёри ЯИМнинг 25 фоизини ташкил этди, бу эса дунёning ривожланган ва жадал ривожланаётган мамлакатлари кўрсаткичларига мос келади.

¹ <http://stat.uz/press-sluzhba/novosti-gks/1451-makroiqtisodiy-ko-rsatkichlari-tahlili>

2001-2016 йиллар давомида асосий капиталнинг ялпи жамғарилиши 5,4 баробардан кўпроқقا ортди, ўртача йиллик ўсиш суръати эса 11,5%ни ташкил этди, бу эса кузатилаётган даврдаги ЯИМнинг ўртача йиллик ўсиш суръати (7,3%)дан кўпроқни ташкил этади¹.

Асосий фондлар ялпи жамғармаси мамлакатда яратилаётган ЯИМ ҳажмига жуда катта таъсир қиласидиган омиллардан саналади. Айниқса, илмий-тадқиқотлар учун харожатларни ЯИМ таркибида янгича талқин қилиш мамлакатнинг иқтисодий салоҳиятини намоён қилиш, унинг макроиқтисодий кўрсаткичларини халқаро таққослашда ҳамда жаҳон ҳамжамиятидаги нуфузини оширишда муҳим роль ўйнайди.

Илмий-тадқиқот билан боғлиқ бўлган фаолият – инсоният ва жамият ривожланишида турли хилдаги ихтиrolарни яратиш ҳамда уларни ҳаётга татбиқ этиш билан боғлиқ бўлган, мунтазам равишда билим, кўникма ва малакани ошириб боришга қаратилган илмий-ижодий фаолиятдир. Илмий-тадқиқот фаолияти натижаларининг ҳажми бозор ва нобозор ишлаб чиқарувчилари томонидан муайян субъектларнинг буюртмалари ёки ўз ташабbusларига асосан олиб бориладиган тадқиқот ишларини ўз ичига олади.

Ҳозирги кунда мамлакатимиз статистика амалиётида илмий-тадқиқот фаолияти натижаларининг ҳажми, яъни шу соҳага қилинган харожатлар оралиқ истеъмол сифатида ҳисобга олинади. Бу эса, ўз навбатида, ЯИМ таркибида ушбу харожатларнинг ҳисобга олинмаслигига сабаб бўлади. Натижада пировард истеъмол бўйича ЯИМ ҳажми паст даражада намоён бўлади. Ваҳоланки, илмий-тадқиқот ишларининг натижалари (билим, кўникма ва малака захиралари) келгусидаги иқтисодий тараққиётга замин яратади.

Бизнинг фикримизча, илмий-тадқиқот фаолияти натижаларини, яъни шу соҳага қилинган сарф-харожатларни мамлакатимиз миллий ҳисоблар тизимида акс эттиришга

бошқачароқ ёндашиш зарур. Ушбу соҳага қилинган харожатларни ҳудди бино-иншоот, техника-технология, компьютер дастурлари ва шу кабиларга қилинган сарфлар сингари асосий капиталнинг ялпи жамғармаси сифатида ҳисобга олиш зарур. Чунки илмий-тадқиқот фаолияти натижаларидан ҳам ишлаб чиқариш жараёнида узоқ йиллар давомида бир неча бор фойдаланиш мумкин. Лекин айрим йўналишларда олиб борилаётган тадқиқотлар ҳам борки, улар ўз эгаси ёки бутун бир жамиятга маънавий томондан нафли бўлса-да, иқтисодий фойда олиб келмайди. Улар учун қилинадиган харожатларни оралиқ истеъмол сифатида ҳисобга олишни давом қилдириш мақсадга мувофиқдир.

Бундан ташқари, ҳарбий соҳадаги қуроласлача ва уларни етказиб берувчи воситалар учун қилинган харожатлар капитал жамғариш сифатида эмас, балки давлат бошқарув органларининг оралиқ истеъмоли шаклида ҳисобга олинади.

Бизнинг фикримизча, агарда ҳарбий соҳадаги қурол-аслача ва уларни етказиб берувчи воситалар бир йилдан ортиқ муддат хизмат қилишга мўлжалланган бўлса, у ҳолда уларга қилинган харожатларни асосий капитал ялпи жамғармаси сифатида ҳисобга олиш мақсадга мувофиқдир.

Ушбу тавсияларнинг аҳамияти шундаки, пировард истеъмол бўйича ялпи ички маҳсулотни ҳисоблаш жараёнида ялпи жамғарма ҳажмининг ошиши ҳисобига ЯИМ миқдори ҳам сезиларли даражада ўсади. Бу эса мамлакатимизнинг иқтисодий салоҳиятини янада ёрқинроқ намоён этишга ёрдам беради.

Мамлакат ичида чет элликлар сарфлари миллий ишлаб чиқариш даражасига боғлиқ. Шу сабабли ЯИМни харожатлар бўйича ҳисоблашда товар ва хизматларга чет элликларнинг сарфлари, яъни экспорт қиймати ҳам қўшилади. Бошқа томондан, истеъмол ва инвестицион сарфлар ҳамда давлат маблағларининг бир қисми импорт қилинган, яъни чет элда ишлаб чиқарилган товарларга

¹ <http://stat.uz/press-sluzhba/novosti-gks/1451-makroiqtisodiy-ko-rsatkichlari-tahlili>

сарфланади. Миллий ишлаб чиқариш умумий ҳажми асоссиз ошиб кетмаслиги учун импорт ҳажми ЯИМ таркибидан чиқарилади. Экспорт ва импорт миқдорлари ўртасидаги фарқ товар ва хизматларнинг соғ экспорти ёки оддий қилиб соғ экспорт дейилади. Соғ экспорт ижобий ва салбий бўлиши мумкин. Агар экспорт импортдан ортиқ бўлса ижобий, кам бўлса салбий бўлади.

Хорижий давлатларнинг келишув бўйича беғараз ёрдам кўрсатиш мақсадида товарлар киритиши ёки четга чиқариши экспорт ва импортда ҳисобга олинмайди.

Буларга қўйидагилар киради:

1. Мамлакат ҳудуди орқали ўтадиган хорижий давлатлар транзити.
2. Кўргазмаларда намойиш қилиш учун мамлакатга юборилган ёки мамлакатдан олиб чиқилган товарлар.
3. Тижорат характеристига эга бўлмаган, четга олиб чиқиладиган ва четдан келтириладиган маҳсулотлар.
4. Шахсий истеъмол учун почта ва йўловчиларнинг юклари.

Хизматларнинг экспорт ва импорти моддий ва номоддий хизматларни ўз ичига олади.

Моддий хизматларга транспорт хизмати, алоқа, омбор хўжалиги, автомобилларга техник хизмат кўрсатиш, ҳисоблаш техникаси хизматлари кабилар киради.

Номоддий хизматларга тижорат хизматлари (молиявий воситачилик ва сүғурта хизматлари, бинолар ижараси, машина, асбобускуналар ва транспортлар ижараси, ҳуқуқий хизматлар, реклама ва ҳоказолар), таълим, соғлиқни сақлаш, туризм соҳасидаги хизматлар ва бошқалар киради.

Хизматларнинг экспорт ва импорти сальдоси резидентларнинг хизматларни реализация қилиши натижасида тушган тушум ва хорижий ҳамкорлардан шундай хизматларни сотиб олиш билан боғлиқ бўлган харажатлар ўртасидаги фарқ билан белгиланади.

Умуман хулоса қилиб айтганда, мамлакатимизнинг хозирги, жадал ривожланаётган даврида миллий ҳисоблар тизимининг макроиқтисодий кўрсаткичларини, айниқса ЯИМни харажатлар бўйича ҳисоблаш усулига алоҳида эътибор қаратиш зарур. Чунки ушбу кўрсаткичининг харажатлар усули бўйича тўғри ва тўлиқ ҳисоблаш мамлакатимизда хуфёна иқтисодий фаолиятнинг камайиши, давлат бюджетининг бажарилиши, аҳоли фаровонлигининг ошишига жуда катта ёрдам беради. Кўпгина микроиқтисодий кўрсаткичлар ёрдамида корхоналар фаолиятига баҳо берилиб, улар фаолиятининг ривожланиш йўналишлари аниқланса, макроиқтисодий кўрсаткичлар орқали бутун иқтисодиётнинг ҳолати, унинг ўсиши ёки орқага кетиши таҳлил қилиниб, хулоса чиқарилади.

Адабиётлар рўйхати:

1. Ўзбекистон Республикаси Президентининг 2002 йил 24 декабрдаги «Ўзбекистон Республикаси Макроиқтисодиёт ва статистика вазирлигини қайта ташкил этиш тўғрисида»ги ПФ-3183-сон фармони. // «Халқ сўзи» газетаси, 2002 йил 26 декабрь.
2. Фоибназаров Б.К. Ўзбекистон Республикасида миллий ҳисоблар тизимини ишлаб чиқишининг илмий-методологик асослари. / Иқтисод фанлари доктори илмий даражасини олиш учун ёзилган диссертация автореферати. – Т.: ТДИУ, 2006.
3. Иванов Ю. Основы национального счетоводства. – М.: «Финстатинформ», 2005. -С. 68-74.
4. www.stat.uz